

25 km di caminda nobo y renoba, 13 rotonde nobo

# Awe tin 'Soft Opening' di Watty Vos Boulevard

ORANJESTAD (AAN): E dia a yega. Awe ta e dia cu 'Watty Vos Boulevard' lo habri pa trafico. Pa esaki Minister Otmar Oduber, hunto cu DOW y Cuerpo Policial ta poniendo enfasis ariba diferente aspecto pa tanto, automobilista, ciclista y peaton tene cuenta cune.

Pa peaton y ciclista tin 25 km di area asigna pa cana y core bicicleta. For di rotonde di Sabana Blanco pa Punta Brabo ta 7 km di caminda nobo di dobel via, 7 rotonde y dos viaducto cu a wordo construi segun standard internacional y cu a haya nan certificacion.

Pa un y tur por yega nan destinacion sigur y cu e trafico por sigui circula facil riba Watty Vos Boulevard y e camindanan conecta; DOW y Cuerpo Policial ta informa:

Watty Vos Boulevard, tin; enkel baan rotonde, twee

baan rotonde, turbo rotonde y paperclip rotonde.

- Trafico riba e caminda su velocidad ta di 80 kmph.

- Ora di yega rotonde mester baha velocidad di 80 kmph pa 60 kmph te cu 40 kmph, manera e borchinan di velocidad ta indica.

- Paga tino na e borchinan di trafico di duna preferencia, zebrapad y fietspad.

- Anticipa unda bo ta yegando pa asina bo sortia den e baanchi corecto cu ta hibabo den direccion d e s e a .

- Contrario di crusadanan, unda automobilistanan tin cu duna preferencia na trafico na man drechi, na rotonde trafico tin cu paga tino y duna preferencia na trafico biniendo di banda robes prome cu subi e rotonde.

- Unabes cu ta ariba e rotonde, 40

kmph ta e velocidad maximo cu ta permiti.

- Luz di indicacion of sign-light tin cu wordo uza na momento cu ta bai sali for di e rotonde, duna trafico bo tras y bo dilanti suficiente tempo pa wak den cua direccion bo ta bai sali.

Manteniendo na e leyman di trafico tur hende ta yega nan destinacion sigur y contento uzando Watty Vos Boulevard.

Awe mainta, lo tin un ceremonia special na e parkinglot di Ling & Songs Supermarket pa haci e soft opening.

Ta pidi comunidad pa tene e aspectonan menciona den consideracion, pero tambe pa tene cuenta cu tur hende lo mester bay poco poco pa custumbra cu e caretera y cu e reglanan di trafico cu ta bay ta visibel ariba borchin y ariba caminda.

